



**NORAINI DATUK SERI  
PANGLIMA HAJI SALLEH**

(Datuk Hajah) atau nama penanya Suhaini S dilahirkan di Kampung Buang Sayang, Papar pada 7 Mac 1945. Penulis yang mula berkecimpung dalam dunia penulisan pada tahun 1960 ini memilih cerpen, sajak dan rencana sastera sebagai genre yang digemarinya. Karya penulisannya banyak tersiar di akhbar-akhbar tempatan dan dalam antologi bersama-sama rakan-rakan penulis dari negeri Sabah seperti *Haram*, *Gema Lembah Kinabalu* dan *Siapakah Antara Kita*. Beliau juga merupakan antara pelopor yang menubuhkan Badan Bahasa Sabah (BAHASA) pada 19 Mac 1970. Melalui BAHASA beliau dan rakan-rakan penulis yang lain seperti Jamdin Buyong telah memperjuangkan untuk mendaulatkan bahasa Melayu

sebagai bahasa rasmi negeri Sabah. Memiliki Ijazah Sarjana Muda Sastera dalam bidang Pengurusan Perniagaan dari Australia dan pernah menjawat jawatan sebagai penterjemah bahasa Melayu dan bahasa Inggeris di akhbar *Daily Express*, Juruhebah Sambilan di Radio Televisyen Malaysia (RTM), Pegawai Pelancongan, Pegawai Perumahan dan Pengurus Pentadbiran di Lembaga Pembangunan Perumahan dan Bandar Sabah. Dalam kegiatan, persatuan beliau juga aktif dalam kegiatan seperti Persatuan Kebajikan Kakitangan Awam Sabah (PERKIS), Persatuan Tindakan Wanita Islam Sabah (PERTIWISA), Persatuan Masyarakat Brunei Sabah dan Pertubuhan Islam Seluruh Sabah (USIA). Sebagai mengenang jasa beliau dalam perkembangan kesusasteraan di Sabah, beliau telah menerima penghargaan sebagai Tokoh Penulis pada tahun 1990 oleh Dewan Bahasa dan Pustaka Cawangan Sabah dan Anugerah Tokoh Penyair Islam Sabah pada tahun 1999.